

UGOVOR
o nabavci teretnog motornog vozila

zaključen dana 15.03. 2019. godine, između:

1. Direkcija za robne rezerve Kantona Sarajevo sa sjedištem ul. Alipašina bb.
, koju zastupa Amra Rizvan, direktorica (u daljem tekstu: Naručilac)

i

2. VERANO MOTORS 4400831540004, Ul. Subotička bb Banja Luka, zastupan po

ovlaštenju direktora br: 65/19 od 14.03.2019. godine Danijel Despotović (u daljem tekstu
Dobavljač).

PREDMET UGOVORA

Član 1.

Predmet ovog ugovora je nabavka roba - 1 (jednog) teretnog motornog vozila (u daljem tekstu kombi), kojeg će Dobavljač isporučiti Naručiocu, u skladu s odredbama ovog ugovora u obliku njegovih priloga i to:

- Ponudom Dobavljača br. 20-14-62-5/19 od 08.03.2019. godine - dalje:

Ponuda dobavljača – (Prilog 1), ugovorene strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora.

CIJENA

Član 2.

Cijena koju će Naručilac isplatiti Dobavljaču kombija iz člana 1. ovog ugovora, a prema specifikaciji, okvirnim količinama i cijenama navedenim u ponudi iznosi:

Cijena bez PDV-a: 42.855,00 KM;

Porez na dodanu vrijednost (PDV 17%) 7.285,35 KM

UKUPNA VRIJEDNOST / CIJENA sa PDV-om: 50.140,35 KM

(slovima : pedesethiljadastotinučetdeset KM i tridesetpet /100 KM).

USLOVI I NAČIN PLAĆANJA

Član 3.

Plaćanje će se vršiti u valuti KM, po dostavljenom računu i ostaloj pratećoj dokumentaciji, u roku do 30 (trideset) dana od datuma dostavljanja računa i prateće dokumentacije od strane Dobavljača. Račun Dobavljača za plaćanje:

Naziv Banke: Unicredit banka Banja Luka

Transakcijski Broj računa: 551-001-0000-8872-88

Početak roka plaćanja teče od datuma dostavljanja računa Naručiocu.

ROK ISPORUKE

Član 4.

Rok isporuke vozila i ukupno ugovorene i specificirane količine opreme, kao i pripadajućih usluga iz člana 1. ovog ugovora je jedan (1) dan po potpisu ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručioc mogao primiti iz člana 1. ovog ugovora u skladu sa uslovima iz ponude.

Mjesto izvršenja obaveza Dobavljača (isporuke kombija) je sjedište Naručioca.

Naručioc se obavezuje isplatiti cijenu i preuzeti isporuku ugovorenog vozila onako kako je predviđeno ovim ugovorom. Obaveza Naručioca u preuzimanju isporuke se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju vozila iz člana 1 ovog ugovora.

Do isporuke / predaje vozila Naručiocu (do dana obostranog potpisivanja zapisnika o kvantitativnom prijemu automobila bez primjedbi) rizik slučajne propasti ili oštećenje vozila snosi Dobavljač, a s isporukom / predajom vozila rizik prelazi na Naručioca. Rizik ne prelazi na Naručioca ako je isti zbog nekog nedostatka isporučenog / predanog vozila raskinuo ugovor ili tražio zamjenu vozila.

Po isporuci vozila, Dobavljač će dostaviti Naručiocu sljedeći dokumente:

- račun koji sadrži precizan opis vozila sa opremom, količinu, jediničnu cijenu i ukupnu cijenu,
- otpremnicu i garanciju.

GARATNI ROK

Član 5.

- Dobavljač se obavezuje da za isporučeno vozilo dati Ugovornom organu garanciju u trajanju 5.god.na karoseriju vozila .

garanciju na motor vozila 2. godine bez ograničenja kilometraže

, uz redovno održavanje u garantnom roku ovlaštenim servisima. Ova obaveza dobavljača se ne odnosi na kvarove koji nastupaju kao posljedica nestručnog rukovanja koja nije u skladu sa uputstvom o rukovanju motornim vozilom.

Dobavljač se obavezuje da obezbijedi originalne rezervne dijelove, servisiranje i održavanje motornog vozila iz člana 1. ovog ugovora u ovlaštenim servisima u toku trajanja garantnog perioda. Ponuđač je dužan da dostavi plan redovnog servisiranja – servisa (redovni i vanredni), koji bi obuhvatao vremenski garantni period.

Izuzetno u cilju smanjenja troškova ugovornog organa, Naručioc može pristupiti servisiranju motornog vozila kod drugih ovlaštenih serviser sa teritorije Kantona Sarajevo, kako bi se servisiranje izvršilo efikasno i u skladu sa planom redovnog servisiranja motornog vozila. Garantni period na koji se Dobavljač obavezuje u pogledu ugovorenog vozila počinje teći od datuma obostranog potpisivanja Zapisnika o kvantitativnom prijemu vozila, bez primjedbi. Na osnovu predatog garantnog lista kojim proizvođač vozila garantuje ispravno funkcionisanje istog, Naručioc ima pravo, ako vozilo ne funkcioniše ispravno, zahtijevati kako od Dobavljača tako i od proizvođača da vozilo popravi u roku od 10 dana ili ako to ne učini, da mu mjesto njega isporuči vozilo koji funkcioniše ispravno. U slučaju manjeg popravka, garantni rok se produžava onoliko koliko je Naručioc bio lišen upotrebe vozila. Međutim, kada je zbog neispravnog funkcionisanja izvršena zamjena vozila ili njegov bitni popravak, garantni rok počinje teći ponovo od zamjene, odnosno vraćanja popravljenog vozila. Ako je zamijenjen ili bitno popravljen samo neki dio vozila, garantni rok počinje teći ponovo samo za taj dio. Rok za otklanjanje eventualnih nedostataka i grešaka za vrijeme trajanja garancije iznosi najduže 10 (deset) dana od dana zaprimljene reklamacije. Svi nedostaci će biti otklonjeni od strane Dobavljača, bez ikakvih troškova po Naručioca, u toku garantnog perioda.

Ugovorni organ ima pravo zahtijevati novi proizvod, ukoliko Dobavljač u predviđenom roku ne otkloni sve nedostatke.

UGOVORNA KAZNA, ZATEZNA KAMATA

Član 6.

U slučaju kašnjenja u isporuci vozila, Naručioc će zaračunati i naplatiti Dobavljaču na ime ugovorne kazne iznos od 1% ukupne vrijednosti vozila, čija isporuka kasni za svaki puni dan zakašnjenja počev od prvog dana docnje do maksimalnih 10 %, ukupne vrijednosti / cijene ugovora.

Naručioc ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati Naručiocu zatezne kamate prema pozitivnom propisu.

VIŠA SILA

Član 7.

Ako slučaj više sile potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 8 dana od nastanka više sile. Ako se blagovremeno ne javi stupanja slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dejstvo ugovorene strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumjeti o daljnjoj sudbini ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora počto o tome pismeno obavjesti drugu ugovornu stranu.

STUPANJE UGOVORA NA SNAGU

Član 8.

Naručilac sa Dobavljačem zaključuje ugovor za nabavku vozila na osnovu izvornih uvjeta iz tenderske dokumentacije Naručioca i ponude Dobavljača.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

RJEŠAVANJE SPOROVA

Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 11.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Izmjene i dopune ovog ugovora mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

Član 13.

Ovaj ugovor je sačinjen u 4 istovjetnih primjeraka od kojih svaka ugovorna strana zadržava po 2 primjerka.

Član 14.

Ugovor stupa na snagu danom potpisivanja od strane Dobavljača i Naručioca.

DOBAVLJAČ
Za dobavljača:

DIREKTOR:

UGOVORNI ORGAN
Direkcija za robne rezerve KS

RIZVAN AMRA

Broj: 67/19

Datum: 15.03.2019

Broj: 20-14-62-13/19

Datum: 15.03.2019.